

皇
明
詔
令

皇明詔諭卷之五

成祖文皇帝集

春和諭勉臣僚勅

永樂二年正月初四日

皇帝勅諭天下文武諸國朕惟事天以誠心為本愛人以實惠為先書曰天視自我民視天聽自我民聽故能愛人即所以事天朕自即位以來嘗諭爾等亦既切至然尚無實効治軍者或不恤軍治民者或不恤民甚者非惟不恤又刻害之寔違朕之意今春時和東作方興故又諭爾各司黽勉誠心務實申明教術勸

課農桑慎固封守問其疾苦恤其饑寒永清
苛刻之風益崇寬厚之政體朕之意以迎治
平故諭

封懿文太子嗣孫詔 永樂二年三月二十七日

奉

天承運

皇帝詔曰朕聞帝王之道立愛惟親為子不祗不敬
於父朕

皇帝
皇考神聖文武欽明啓運俊德成功統天大孝高皇

皇妣孝慈昭憲至仁文德承天順聖高皇后咸有一

德克享

天心創業垂統傳之萬世朕

長兄懿文皇太子降年弗永胤子克熒幼冲嗣

立昏愚自暴顛覆舊章崇信奸邪戕害骨
肉舉行攻朕必欲咸劉俾無噍類天下蕩

然

社稷幾墜朕惟

祖宗積德之勤

父皇

母后創業艱難不得已而應兵賴

天之祐內難廓清允炤罪惡貫笏闔宮赴火諸王

臣民同辭勸進朕以

宗社為重勉徇輿情君臨大寶

長兄諸子允燭允燾允熾仍賜王封不意允燭允

燾弗知省躬自生疑對朕以長兄至情不忍

譴責免為庶人以保全之朕痛切於心嘗存

念慮長兄未有承祀其第四子允熾生十有

四美器資端重改封甌寧王世子懿文皇太

子之祀於戲協和之道睦族為先敦叙之仁

繼祀爲大展余同氣之情庶盡親親之義本
告天下咸使聞知

立皇太子并封諸王詔
永樂二年四月初四日

皇帝詔曰立太子以尊

宗廟重

社稷樹王國以廣藩輔隆本支非一家之私爲天下
之公夏商周漢唐宋之盛用此道也朕

皇考聖神文武欽明啓運俊德成功統天大孝高皇帝
帝

皇妣孝慈昭憲至仁文德承天順聖高皇后聖靈降

降敕祐朕躬君臨大寶夙夜匪寧思惟賢德
傳序維承繼續

神明之統紀蓋爲

皇妣之光華監觀簡界延歷于茲周王以宗室之長
屢表請立太子封建諸王宗室羣臣合辭舉
表謂朕長子承嗣

宗廟諸子皆足以夾輔邦家惟天下之通義徇衆志
之僉同乃於永樂二年四月初四日立長子
高燾爲皇太子授以冊寶正位東宮第二子
高燾爲趙王尚念宗親薄施恩禮封襲王義興

五子孟熾爲崇陽王第六子孟煥爲通山王

第七子孟燦爲通城王第八子孟炤爲景陵

王第九子孟燿爲岳陽王蜀主第二子悅燿

爲華陽王第三子悅燁爲崇寧王第四子悅

斨爲崇慶王第五子悅燮爲保寧王代王長

子遜熾爲代世子第二子遜熾爲廣靈王

王第二子貴烺爲長陽王第三子貴燮爲遠

安王第四子貴煥爲興山王第五子貴烜爲

巴東王第六子貴烜爲潛江王第七子貴燦

爲宜都王第八子貴烜爲松滋王寧王長子

盤城爲寧世子岷王長子徽煥爲岷世子第
二子徽燦爲鎮南王谷王長子賦昭爲谷世
子第二子賦煥爲醴陵王韓王長子冲煥爲
韓世子第二子冲炆爲襄陵王第三子冲煥
爲臨分王秦王長子志均爲秦世子晉王長
子美圭爲晉世子於戲治法前王統承列聖
內外相繼保

宗社萬年之福華夷同樂亘古今全盛之基布告天
下咸使聞知

諭勉臣僚恤民勅

永樂三年正月

朕惟治天下以得民爲本保民以愛恤爲先
愛恤之道不過使其衣食之有餘無凍餒之
患則禮讓可成鬪爭不作教化行而習俗美
矣朕

皇考太祖高皇帝混一興圖制作禮樂保民厚俗身
致太平其間愛養生息之道思之至慮之周
故天下殷富生齒日繁致治成功超軼千古
朕即位以來仰遵成憲化行俗厚民康物阜
措刑罰於無用之地納赤子於熙皞之中故
風稷競業惟恐不逮尚慮天下之廣人心難

一不守我

皇考一定之法致使陷於刑辟所以呵咻告戒使人
遷善遠罪凡我有官君子明聽朕言夫民者
國家之根本也在乎撫育不可輟傷勿苟貪
其財勿妄後其力則民可以常安民安則天
下無事矣夫天下之大非一人所能獨理必
資賢才以相成爾諸群臣宜擴其正大之心
弼予仁厚之化敬以事上而應以律已戒於
徇私而勉以奉公勿爲苛刻勿肆貪殘惟能
如此則生民老幼獲安而朝廷刑罰可措在

爾亦可以享富貴於無窮而流聲譽於後世
矣故諭

諭天下文武官員勅 永樂四年二月十

九日

朕聞國以民爲本民以食爲天今四方甫定
民尚貧苦小人交構官府賣爲奸蠹良善凡
有科徵假公營私以一科百其害尤甚民不
聊生盜賊不息故數諭爾等盡心撫綏祛除
其害一財不妄歛一民不妄差勸課農桑慎
固封守保愛軍士不擾外夷屯田積粟尤宜

勤勵警其怠惰恤其艱難絕刻害之愁守朝廷之法稱朕之意務臻平治故論

幸學勅

永樂四年四月初二

皇帝勅諭禮部朕惟孔子帝王之師也帝王爲生民之主孔子立生民之道三綱五常之禮治天下之大經大法皆孔子明之以教萬世天下不可無孔子之道朕

皇考太祖聖神文武欽明啓運俊德成功統天大孝高皇帝膺君師億兆之任正中夏文明禮樂

之舊渡江之初首建太學親祀孔子御建詳
書守帝王之心法繼聖賢之道學集其大成
以臻至治朕承鴻業惟

皇考之成憲是遵今春時和當躬詣太學如

皇考故事稱朕崇儒重道治安天下之意布告群臣
咸使聞知爾禮部其擇日舉行故勅

諭文武群臣勅

永樂四年十一月十五日

朕敬謹事

天致孝

皇考

皇妣普及幽靈而禎應疊見爾文武群臣上表稱賀
以爲朕德所致朕不敢當斯皆

上天眷佑

皇考

皇妣聖靈垂蔭及爾文武群臣盡心輔朕協和神人
之所感格朕觀自古有道之君祥瑞之來愈
加警畏以承

天休則宗社悠長人民獲慶爾等宜鑒視前代勉輔
朕躬以承

天與朕

皇考

皇妣鑒臨之意故勅

寬宥詔 永樂四年十二月初六日

奉

天承運

皇帝詔曰朕惟聖帝明王之於天下體

天地之心順萬物之宜以爲治朕荷

天命承

皇考鴻業即位以來夙夜兢惕父母斯民之道惟恐

不至刑措之風未臻其極比見有犯法者必

甚憐之故屢勅法司以人命至重議獄審覆
務先寬大不事苛細毋使冤抑尚慮有司奉
行不謹致令良善罹于憲條雖欲改過其道
無由今又赦天下嘉與惟新自永樂四年十
月初六日昧爽以前除謀叛大逆謀殺祖父
母父母妻妾殺夫奴婢殺主謀故殺人蠱毒
魘魅毒藥殺人強盜不赦外其餘已發覺未
發覺已結證未結證罪無大小咸赦除之敢
有以赦前事相告言者以其罪罪之於戲發
政施仁用廣好生之德改過遷善求同熙

之風故茲詔示咸使聞知

一文武官吏軍民人等爲事充軍種田養馬養
羊買船擺站爲民炒鐵煎鹽充當膳夫軍伴
軍匠及遷徙安置爲民并歷刑充吏及軍人
爲事調發別衛充軍等項已到配所在途過
程限者不動餘皆悉放若有比先已到衛所
後又爲事遇赦者仍發原衛所

一在京釋放官軍并總小旗將軍力士人等各
復職後照舊支與俸糧官律該死罪者支與
半俸

一見在各處立功拏賊軍官旗士人等若律該死罪應赦者各復與職役官支與半俸旗士人等支與原糧其犯徒流遷徙笞杖等罪及照榜例者各復職役照舊開支俸糧俱就本處備禦有做工爲事官旗名頭勾軍者亦復職役亦與俸糧仍令勾軍完日回衛致仕官舍人餘丁疎放

一釋文職官并監生吏典人等律該死罪應赦者官做辦事爲事月支米一石聽差監生吏典人等并照榜例及犯徒流以下罪與未議

罪名者各復職後照舊開支與俸糧已降者
不動

一見在各處做辦事官辦事名頭文職官員人
各復原職役仍照在彼辦事人例支與俸糧
一官吏軍民人等爲事起發戶部納米贖罪內
有已納未完及全未納者釋放糧米免追

一各色人匠犯罪在京准工及常做工者照舊
輪班

一賊物係侵盜官物并遺失拖欠者仍追正賊
其餘賊私及賠追者免追

開設交趾衙門詔

未第五年三月初一日

皇帝詔曰朕祗奉皇圖恪遵成憲弘敷至治期四海
之樂康永保太和俾萬物之咸遂夙夜兢業
弗敢怠違仰惟

皇考太祖高皇帝混一天下懷柔遠人安南國陳
桂慕義嚮風率先職貢嘉其勤惓頒賜鴻恩
封爲安南王長有其土子孫世襲與國咸休
比其賊臣黎季犛子黎蒼久畜虎狼之心竟
爲吞噬之舉殺其國主戕其闔宗覃被陪臣
盡罹慘酷拊剋殺戮荼毒生民鷄犬弗寧怨

聲載路狝疑狙狡鼠黠狼貪詭異姓名爲朝
一元子胡奎隱蔽其實矯稱陳甥誑言陳氏
絕嗣請求詔襲王封朕念國人無所統屬不
逆其詐聽信所云倖成奸譎之謀輒逞跳梁
之念全無忌憚靡慝不爲自以爲聖優於三
皇德高於五帝以文武爲不足法以周孔爲
不足師毀孟子爲盜儒謗程朱爲剽竊欺聖
欺

天無倫無理僭國曰大虞竊紀年爲紹聖稱爲兩宮
皇帝冒用朝廷禮儀非惟恣橫於偏方實欲

折後於中國佯奉正朔受頒曆而焚之招納
逋逃聞追索而隱匿朝貢之禮不行究暴之
情益肆誣淹卯育存有圖大之心鋒蝟斧螭
益動侵陵之勢覬覦南詔窺視廣西據惠明
府之數州侵陵遠州之七寨劫朝廷之命吏
供彼家之歲令擄其女子以備髡鉗毆其人
民以蹈湯火欺占城之孱主伐其國以遭喪
奪其土疆要其貢賦逼受僞印冠服令其從
已背朝屢被殘殃數來告急朕矜其愚昧未
終絕之特遣使臣曉以禍福啓其自新之路

開其向善之門諄切再三俾其改悟益寔其
頑狠悞稔惡弗悛未幾安南王孫奔竄來京
訴陳其事黎賊一聞謬來効款來釋誣用之
罪迎立陳氏之孫示彼至公曾何芥蒂即遣
送歸國黎賊乃伏兵要殺於途并殺朝使朕
遣人賜占城禮物又殺使臣而奪之朝臣使
請加兵致討謂昔苗民逆命禹有徂征之舉
葛伯仇餉湯有徯蘇之旅茲克堅積惡如山
四海之所不容神人之所憤怒此而可好孰
其懲戒朕以五兵戢橐之日正萬國人安之

時獨茲叛夷妄干天憲蛇虺之毒無厭生靈
之害曷已興言及此盡然傷懷志在吊民豈
忍窮武寔不得已告于神祇聿興問罪之師
爰舉九伐之典用除殘暴以解倒懸撲菟蝥
於方張興陳氏於既絕乃命征夷將軍成國
公朱能等率偏師帶甲八十萬以討之特勅
將士其臨陣來敵者殺無赦其來降者悉宥
之師渡富良江賊率衆號七百萬來拒戰尚
逞怒蛙之勇以嬰霆擊之威兵刃纔交勢即
披靡我師輜之如摧枯拉朽斬首百萬級直

擣東都遂平西都四郊無結草之固前徒有
剗戈之師黎賊蘖黨即時殄滅其有投兵乞
命者即釋不誅所至秋毫無犯市不易肆人
民安堵徧求陳氏子孫立之其國官吏耆老
人等累稱爲黎賊滅盡無可繼承陳請安南
本古交州爲中國郡縣淪汚夷習于茲有年
今幸遇迅掃撓搶剗礮蕪穢願復古州縣興
民更新庶再覩華夏之淳風復見禮樂之盛
沿俯徇輿情從其所請置交趾都指揮使司
交趾承宣布政使司按察司及軍民衙門設

官分理廓清海徼之妖氛變革遐邦之陋俗
所有合行事宜條列于後

一安南王陳氏爲黎賊所殺死於非命誠爲
矜宜贈謚以慰幽冥其子孫宗族有爲黎賊
所害者宜贈以官有司即具名來聞用伸恤典
一陳王爲黎賊所殺死於非命宗祀一廢絕今特
建祠立碑設官主典歲時祭祀仍給看廟三
十戶以供灑掃

一陳王墳墓蕪廢已久宜令有司看視傾頽即
爲修理以闡仍給三十戶以備祭掃

一安南官吏軍民人等俱爲黎賊克威所逼毆之以冒白刃死亡者衆暴露可憫有司卽爲掩骼埋胔

一安南郡縣官吏皆陳氏舊人爲黎賊威脇不得已詔書到日凡在職役者悉仍其舊俱各不動然其民久染夷俗未閑華禮朝廷仍設官相兼治理教以中國禮法

一黎賊數年以來爲政苛猛毒害其民今後除之宣朝政令以安衆庶各宜遵守永享太平

一安南各處關隘有結聚人民守把營寨及逃

避海島者詔書到日即便解散還家以安生理
一安南之民久被黎賊困苦有司宜加意撫恤
使各安生業毋致失所

一安南官吏軍民有黎賊所害或黥刺徒流配
或全家流徙不得其所及一應被害之人詔
書到日悉放回原籍復業所在有司即便起
發毋得停留其民囚繫於獄者即便發遣

一安南境內懷才抱德有用之士有司以禮敦
遣至京量才於本土叙用

一安南境土毋致侵越亦不許軍民人等私通

外境及下海賊鬻番貨違者依律治罪

於戲威武戴揚皇上心之所欲元惡既殛實有衆之同情
施一視之仁永樂太平之治布告于中外咸使聞知
賜比畿租糧雜稅詔 永樂六年二月十八日
奉

天承運

皇帝詔曰朕祇承

天命統紹洪基安民之心不忘夙夜思昔奸臣謀危宗社
毒害親親奉藩于燕橫遭離間禍機四發興兵圍
逼朕躬實不已用兵自救誅討奸回以平內難當

時朕帥諸將士南征躬擐甲冑臥雪眠霜間關行陣衝冒鋒鏑乘危轉戰萬死一生諸將士與朕同甘苦勤勞尤甚時 皇太子居守北京賴軍民竭忠効力不避艱難供給軍需饋運糧餉馳驅負稅晝夜不寧城守戰聞披堅執銳冒犯矢石父母妻子不保朝夕甚爲勞苦使朕無北顧之憂遂誅奸回平定禍亂奠安 宗社朕自即位以來念爾將士人民飲食夤寐時刻不忘其間民有效順始終不變者已嘗全免稅糧以酬其勞比年之間北京所屬郡縣數被水患稻穀不登民多缺食流移他

所朕甚憫焉其北京永樂四年永樂五年所著該
納稅糧馬草折穀草豆戶口食鹽價米諸色貨課
程通負未納者盡行蠲免其諸色課程仍自永樂
六年爲始除見收在官外免徵三年門攤課程三
年免徵後革去增加之數只依舊額供辦於戲同
濟艱難久念勤勞之蹟憫茲窘乏覃敷寬恤之恩
庶俾平康少伸朕意故茲詔諭咸使聞知

賜司有等處租糧雜稅詔

永樂六年三月初六日

皇帝詔曰朕祇承

天命統御萬方永隆致治之機尤重安民之道悉心

康濟夙夜不忘比者營建北京宮殿需材於
下國之大事誠非得已軍民趨事赴工盡力
不懈者其勞苦朕甚愍然所司不體朕心之
艱難一毫不以上聞督責逋負鞭箠逼迫又
甚困乏甚失撫綏之意其河南山東山西軍
民衙門自永樂五年以前逋年拖欠并追賠
未完夏稅秋糧鹽糧馬草諸色課程贓罰等
項一應係官錢糧物件詔書到日咸與蠲免
於戲施政以撫字爲先養民以寬恤爲本特
敷恩惠用慰勤勞故茲詔諭咸使聞知

諭福建官員勅 永樂六年三月初六日

皇帝勅諭福建都司行都司布政司按察司衛所府
州縣所屬軍民衙門官吏軍民急於衣食又
有趨事之勞朕體艱難不忘夙夜爾等受國
家委任徇祿苟容下民疾苦恬不經意互相
壅蔽一毫不以上聞甚至貪官猾吏假公營
私剥民肥己恣其狠暴流毒無厭督責逋負
連及累歲鞭笞執繫繫困迫難勝原爾等之罪
死有餘辜今且寬宥以勉將來其軍民衙門
洪武三十五年以前但有追徵未完稅糧諸

色課程益草賊罰等項一應係官錢糧物件
咸與蠲免以稱朕恤下之意如勅奉行

宥交南餘黨詔

永樂六年五月十

五日

皇帝詔曰天地大生成之德普萬方而無私帝王廣
協和之心統六合而無外朕祗膺

天命續紹鴻基體覆載以安民弘道德而立政撫綏
爲切夙夜不忘永懷一視之仁敷治八紘之
內咸祗綏輯庶合

天地况安南介兩廣之邊隴在國朝先諸蕃而款

久罹荼毒詎忍棄遺其賊臣黎季犛父子累
殺國王屠夷其宗族橫虐民庶蹂躪於隣封
遂上悔於朝廷屢內侵其邊境諭其悔過始
猶務於包荒念而弗悛終難稽於援溺肆行
吊伐過舉偏師天威震臨蟻衆奔潰履鷄

如平地曾無寸草之橫蹈富良如坦途何有
一木之險搗列柵以蹙於鹹子窮三穴以極
於奇羅如烈火之燎毛甚疾風之振稿未踰
累月盡繫亮渠解縱其脅從咸撫存於疲
瘵祥飈蕩除於瘴氣清霜普肅於妖氛溟海

爲之清寧山川發其光彩遂立交趾都司布政司按察司列爲郡縣俾同中夏之民化其旄倪悉去南蠻之俗渙號初下輿情翕從獨其孽鄙之心不變枉亂之志不從教令不復生業迯匿藪澤聚嘯山林劫殺良民賊害令吏恩德不念稔惡踰深者謂牧守非仁撫字失當自當陳述所苦數訴求伸何敢拒違復作兇逆困甚鴻毛之命猶張螳臂以當車遂來虎旅之雄莫救泰山之壓卵憐其怕惡祇自取亡除前倡禍首之人罪逆深重俱已伏

誅外尚念餘衆本因愚昧或迫饑寒或爲強
暴所驅或爲奸利所誘事非得已情有可矜
槩而罪之朕實不忍詔書到日咸赦除之軍
還爲軍民還爲民各復其業使國自新如已
經忘宥仍復冥頑不行悛改必殺無赦其交
趾所屬軍民衙門官吏體朕至仁務隆寬恤
毋爲嚴急毋肆侵漁導之趨吉而避凶爲之
建利而去害使長幼咸聚大小獲安官府
切不急之務俱宜停罷於戲

帝德好生肆覃沛滿除之澤

天恩助順宜永堅欽戴之誠使過而遷善則福必有
臻非分之恩理不常得咸樂和平之治勉承
嘉靖之仁故茲詔諭咸使聞知

蠲免北京租賦詔 永樂六年六月二十八日

奉

天承運

皇帝詔曰朕祗膺

天命統紹鴻業安民之心夙夜不忘思昔奸臣謀危
宗社毒害宗親朕奉藩于燕橫遭讒間禍機四發興
兵圍逼急迫朕躬實不得已用兵自收誅討

奸回以平內難當時朕率諸將士南征躬擐
甲冑卧雪眠霜間關行陣衝冒鋒鏑乘危轉
戰萬死一生諸將士與朕同甘苦勤勞尤甚
時皇太子守居北京賴軍民竭忠効力不避
艱難供給軍需餽運糧餉馳驅負輓晝夜不
寧城守戰鬪被堅執銳冒犯矢石父母妻子
不保朝夕甚爲勞苦使朕無北顧之憂遂誅
戮奸回平定禍亂莫安

宗社朕自即位以來念爾將士人民飲食夢寐不忘
其間民有效順始終不變者已嘗全免稅糧

以酬其勞比年之間北京所屬郡縣數被水
患歲穀不登斯民缺食流移他所朕甚憫焉
其北京永樂四年永樂五年所有該納稅糧
馬草折收草荳戶口食鹽價與諸色課程通
負未納者盡行蠲免其諸色課程仍自永樂
六年爲始除見收在官免徵三年門攤課程
三年免徵後革去加增之數止依舊額供辦
於戲同濟艱難久念勤勞之蹟憫茲窮乏覃
敷寬恤之恩庶俾康寧少伸朕意故茲詔諭
咸使聞知

巡狩北京詔

永樂六年八月

十一月

奉

天承運

皇帝詔曰成周營洛肇啓二都有虞勤民尤重巡省
朕君臨天下祇率典彛統御之初已陟順天
府爲北京今四海清寧萬民安業國家無事
省方以時將以明年二月巡幸北京命皇太
子監國朕所經過去處親王止離王城一程
迎接軍民衙門官吏人等於境內朝見非經

過去處毋得出境道路一切飲食供給之費
皆已有備不煩於民諸司無得有所進獻科
擾勞衆布告中外咸使聞知

諭天下武臣勅

永樂七年正月初一日

勅天下武臣自古國家設立軍馬的意思只爲要
守地方保安百姓征勦那做歹勾當不順的
人雖是天下十分太平不曾撤了軍馬不整
理如今恁軍官每是自己立功勞出來的有
是祖父立功勞承襲出來的都承受朝廷付
託或掌着方面或管着邊塞或鎮守地方都

要十分與國盡心盡力如今休道天下太平
無事恁便懶惰了恁常勤謹小心守着國家
法度盡恁的職分做得好呵恁的富貴傳子
傳孫便長遠保守恁的好名兒史書上也罵
着傳將天下後世不磨滅了若是懶惰不用
心又不依法度便打罷了做軍去邊塞守禦
重便連身家喪了凡人受福受禍都是自己
做來的恁只依我言行便長遠享福受快活
所有合行的事如今逐件說與恁知道

一軍是恁武官的血脉一聲出征呵也便與你

做手足向前所殺要軍輔助恁有病呵要軍
照應恁恁事日能撫恤軍有事時軍也肯與
恁盡心出氣力若不是軍人出氣力恁一箇
人便是好漢濟得多少事恁如今正好撫恤
軍士休非理生事若恁飽時便思量軍怕有
飢的恁暖時便思量軍怕有寒的都要與他
擺布軍有患病呵便著人看他這等教軍不
失所了便是恁做軍官的職分

一守禦邊塞的十分要用心勤謹常常著人哨
瞭過往的人好生盤詰關防遇有賊人便率

令軍士勇敢當先擒殺休要退怯或是設謀
運計固守城柵男子漢正好與國家出氣力
立功勞取大官職若是不長進退縮臨陣不
勇守城不謹朝廷必是拏將來依軍法殺他
又連累一家這等呵却不如在陣前奮勇立
功討大官職子孫世世得享富貴自家又有
箇好名兒在天地間不枉做了一世好漢這
等却不是好男子

一屯種養蠶最是好勾當軍家得飽飯喫得暖
衣穿不靠賴百姓又不懶惰軍只是要恁軍

官每好提督每年佈種釋鋤都要依時候
軍官每常常早晚點視休生事料飲害他軍
人每一箇月好著實出氣力下也不許恁每
隱占在家做生活却交別箇軍每替他屯種
每年上操時務要著實恁爲父母愛子弟緊
要處若不會武藝又不曉道理那時犯了國
家的法度也只是恁爲父兄的害了他前面
這幾件事都要一一遵守不可違

責臣工安民勅 永樂七年正月初一日

朕惟君國之道以民爲本故官分職閒設其用

能惟求安民而已爲臣能體其君愛民之心
推而行之斯天下之民舉得其所爾文武諸
臣受國家委任宜操節立行盡誠竭慮治民
者專務恤民治軍者專務恤軍察其饑寒體
其勤勞爲之除害興利教之務本立業孝弟
忠信尊君敬上敦行禮義毋作愆非以免求
享太平之福比者營建北京國家大事不得
已而勤勞軍民爾等宜善加恤撫無爲貪酷
以重困乏夫文官之祿比日出民武官之功實困
於軍能推恤之心庶幾報本之意苟不知圖

報又從而侵之非惟國法不容鬼神尤將禍焉
福善禍淫天道昭彰賞罰至公國典有在爾其
殫心盡力克致安民之效以副朕惓惓之懷故諭

諭畿屬朝見勅

永樂七年正月初十日

皇帝勅諭北京所屬文武官員巡幸至北京諸司掌印
官一員朝見母得因而科擾故勅

諭各處辦事官勅

永樂七年十二月初二日

皇帝勅諭各處辦事官員人等今天下太平四海無事
獨以漠北虜寇崛強梗化數來犯邊朕念
天下生靈皆爲赤子當遣使臣往招諭之使

其老少各安生業彼乃輒見羈留恣行殺戮
如此所爲天地鬼神所不能容然北寇不滅
終爲邊患軍民不得其安今興兵討之寧免
用軍民之力造軍器運糧等項雖暫時措辦
艱難然掃除胡寇之後中國得以無事軍民
得以安寢所謂一勞而永逸爾等差使出外
催辦物件務要愛恤軍民毋得科歛刁蹬生
事攪擾如有故違朕命攪擾軍民者治以重
罪不饒其軍民所辦一應軍需糧料務要依
期足備不許遲悞違者治以重罪爾等將朕

言語宜各與差使催辦軍需等項人員及所
在管轄軍需官員人等說與知道故諭

親征北虜詔 永樂八年二月初四日

奉

天承運

皇帝詔曰朕受

天命承

太祖高皇帝洪業統馭萬方撫輯庶類凡四夷僻遠
靡不從化獨北虜殘孽處于荒裔肆逞兇暴
屢遣使宣諭輒拘留殺戮乃者其入鈔邊邊

將獲之遣使護還復見拘殺恩既逆著德豈
可懷况豺狼野心貪悍猾賊虐噬其衆引領
俟蘇稽於天道則其運已絕驗于人事則彼
衆皆離朕今親率六軍徃征之大振威武用
彰天討且必勝之道有五以大擊小以順取
逆以治攻亂以逸伐勞以悅吊怨辭不殄滅
蕩除有罪掃清沙漠撫綏顛連則疆場乂安
人民無轉輸之苦將士無戰鬪之虞可以解
甲安枕一勞久逸暫費永寧也布告中外咸
使聞知

諭福建各官勅

永樂八年二月

勅福建布政司都司按察司市舶提舉司官下番回
還番貨中有貴細物件不必開封連櫃簍稱
斤兩各官眼同封號再用厚木櫃盛放布漆
鐵葉包裹牢固各官護封十分周密從陸路
差人管解押運赴京來其蘇木胡椒粗重物
件之類細稱見數依前命海道運來故諭

諭布按二司考

竅屬官勅

永樂八年二月

朕惟治天下以安民爲先以得賢守令爲重
自古尤慎斯寄蓋以生民之休戚所關也朕

巡符北京考覈官吏得失惟汝上知縣史誠
祖爲政有方廉公有守公無逋租由無穢業
家給人足小人樂業治有異效特加褒賞已
陞爲濟寧州知州其揚州同知張騰貪酷殘
虐罔法欺公專求私已不務恤民已加重罪
今天下之大守令之多朕豈能周知賢否爾
等居方面之職任風紀之司所轄郡縣官吏
其才之賢否治之得失必皆周知果有廉能
幹濟忠以爲國勤以恤民撫字有方治有異
效其實來聞以加陞擢其有闕茸無能貪污

壞治酷害吾民者具實來聞以加黜罰爾等
必嚴考覈毋徇私以廢公毋長奸以蔽善務
求允當以副朕懷欽哉故諭

征虜元捷班師詔 永樂八年五月二十日

奉

天承運

皇帝詔曰自元祚既終四海鼎沸

天命我

太祖高皇帝統一華夏普天率土靡不臣妾惟胡寇
殘孽奔竄沙漠咥衆偷生殺戮易置有如

掌朕承大統撫治寰區志在安民惟懷不及
盡心殫慮以求其寧凡居覆幬之中舉納甄
陶之內獨此殘胡騁兇梗化屢使撫循輒見
拘殺往者邊將擒其部屬念其各有父母妻
子盡釋還鄉遣使送之被殺性不移復殺信
使積慝寇虐益肆擾害怨熬神人實

天所殛遏虐之旅以慰僉蘇遂親率六軍徃征之用
拯顛連綏寧降附五月十三日師至瀚難河
遇胡寇本雅失里來戰即摧敗之追奔逐北
電掃霆驅本雅失里奔追不暇以七騎奔遁

獲馬駝牛羊無筭其餘款附者相繼而至遂
撫安之給與羊馬糧廩令民安生業數百年
之枿茅一旦掃除千萬里之羶羶由茲洒落
乃封山川振旅班師於戲包舉無外弘施一
視之仁撫輯有方永樂萬年之治布告中外
咸使聞知

追譴罪人勅

永樂九年十月初八

勅刑部凡洪武年間得罪黥刺謫發者允炆時有舉
保任用或自還鄉里勅至但係洪武年間黥

刺之大即今遵依

舊制各還原請配所如是延遲託故不去者事發潛
以重罪故勅

諭府部九卿審獄勅

永樂九年十月初

八日

勅五府六部三法司各衙門覽三法司所奏重囚論

皆當死爲之惕然且人命至重死者不可復
生斷者不可復續必其死無冤抑然後爲當

三

天地鬼神監臨在上朕不敢忽特再三省諭爾等諒

議不得其平使人負屈而死

天地鬼神監臨於爾報應不爽不可不慎其再三加
詳審覈毋使人負冤而死也

免陝西逋負詔 永樂九年十一月初

奉

天承運

皇帝詔曰朕祗膺

天命統御萬方即位以來軫念黎庶夙夜惓惓切惟
陝西接境邊塞供給轉輸民力勤勞矧自今

年夏秋以來疫厲相仍民滋困瘁未臻蘇息
朕甚憫焉其陝西所屬府州縣永樂八年以
前拖欠稅糧並與蠲免故茲詔示咸使聞
知

議卹班匠勅

永樂九年十二月初八

日

皇帝勅諭六部都察院通政司大理寺官比先洪武
年間匠人輪班赴工所司官吏遵守法度撫
綏有道人樂於趨事朕任非其人不能體
朝廷恤民之心工匠依例集於京師累不用

心巡視撫綏至其下官吏匠作人等多般作
弊有未曾赴工私行賄賂擅自放免者有工
已告滿生事刁蹬不放其回者有官府本無
工作驅充私役者甚至良善之人被其欺凌
剝削衣食窘乏饑寒疾病而死者多矣朕甚
憫焉今朝廷未大起宮殿間有修葺所用人
匠不多卿等會議其有可爲長久之法於官
府工匠兩便者陳列以聞故諭

責廷僚條陳便宜勅

永樂九年閏十二

月初二日

皇帝勅諭五府六部等衙門官朕祇奉

天命嗣承

皇考太祖高皇帝鴻基爲天下生民之主自即位以來惟以安養軍民爲務拳拳夙夜未嘗暫忘屢勅所司舉賢薦能任之撫字又明黜陟賞罰以申激勸至於用刑尤重欽恤遣問軍民利病絡繹於道凡有言者罔不嘉納於今十年軍民尤有困弊未蘇未臻治效朕追惟厥咎蓋任軍民之職不得其人或疲懦闕茸坐視其患而不知恤或貪苛刻及縱容吏卒剝

其肌膚腠其膏血而無厭足軍民有被害者
欲伸其枉司理之官或不明其情或牽於貨
賄顛倒是非至使負冤受抑寧隱忍不言其
耳目之官所當言者或不體朝廷愛恤之意
或拘於欲得實跡因循苟且緘默不言軍民
不安實由於此皆朕委任失當之過也其有
可以革斯弊之道及軍民有所未便者卿等
宜條析以聞庶幾以助朕夙夜拳切安養軍
民之意欽哉故諭

宥犯罪武臣勅

永樂十年二月初七日

皇帝勅諭兵部朕自即位以來武職官犯罪情有可
矜者屢嘗屈法伸恩特垂寬宥近年復有愚
昧無知誤觸憲條發遣各處充軍及立功等
項朕念其歷涉艱難必改過遷善雖欲自新
其道無由今自永樂十年二月初七日以前
天下武職官有犯笞杖徒流遷徙罪名者悉
皆宥之此國家非常之恩不可屢得若有恃
功恃恩而再犯者此即自取禍愆所有事宜
條示于後

一武職官有犯笞杖徒流遷徙罪名者或不動

職名或降職或罷職或作爲事官或作旗軍
名目發遣各處立功及充軍種田養馬備禦
等項並復原職支與半俸銀仍與原發處所
立功報効

一武職官有犯笞杖徒流遷徙罪名已發遣立
功充軍等項中途遇赦宥者亦復原職支與
半俸仍原發處所立功

一各處見任武職官有因事住俸者自文書到
日爲始開與俸給

一各處見任武職官曾經降職者一體復職

一武職官有不曾擬罪發去立功充軍等項者
許將原犯罪由從實申達兵部查理定奪

一武職官有犯徒流笞杖遷徙罪名發去立功
充軍等項而在逃者不在宥免之例

一武職官原犯該死罪并榜例死罪宥死立功
并充軍等項及有先經兵部查出不當做官
并妄報功次改正並不在復職之例

宥姦惡親黨詔 永樂十年四月初二日

皇帝勅諭三法司曩者姦惡齊黃等煽惡逞兇謀危
社稷賴 天地宗廟之靈已皆伏誅姦蕪去穢以絕

其根掃滌不盡又將滋蔓蓋鋤莠所以養嘉
苗除惡所以保良善惡類既剪良善獲安其
自今年三月十六日以前凡姦惡遠親除拿
在官者不宥外未拿者悉皆有之有來告者
勿理如勅奉行

再幸北京勅 永樂十一年正月初二日

奉

天承運

皇帝勅諭天下文武大小官員人等朕以今春二月
巡狩北京命皇太子監國朕經過去處親王

只離主城一程迎接軍民衙門官吏人等於
境內朝見非經過去處毋得出境道路一切
飲食供給之費皆已有備不煩於民諸司毋
得有所進獻科衆擾勞故諭

諭廣西都司勦捕土賊勅

永樂十一年

六月初二日

奉

天承運

皇帝勅諭廣西都指揮今潯州府土達軍人先因逃
叛者已悉宥其罪發往遷南住坐贑州五百

餘名逃叛入山已勅江西都司發馬軍勦捕
勅至即嚴加隄備以防奔竄故勅

重建大報恩寺勅

永樂十一年七月十

五日

天禧寺舊名長干寺建於吳赤烏年間緣及
歷代屢廢宋真宗天禧年間嘗經修建遂改
名曰天禧寺至我朝洪武年間寺宇稍壞工
部右侍郎黃立恭奏請募穀財畧爲修葺朕
即位之初遂勅工部修理比舊加新比年有
無賴僧本性以其私憤懷殺人之心潛於僧

室放火將寺燒毀崇殿修廊寸木不存黃
之地悉爲瓦礫浮屠煨燼頽裂傾敝周覽顧
望

皇考

皇妣罔極之恩無以報稱況此靈跡豈可終廢乃用
軍人匠勤勞其力趨事赴工如水之流下其
勢莫禦一新創建充廣殿宇重作浮屠比之
於舊功力萬倍以此勝刹上薦

聖皇母后在天之靈下爲天下生靈祈福使雨暘時
若五穀豐登家給人足妖孽不興災沴不作

乃名曰大報恩寺表此勝利垂耀無窮告于
有衆咸使知之

戒諭五府禁訪刁頑逃軍勅 永樂十一

年八月二十日

皇帝勅諭五軍都督府比照洪武年間有犯死罪發
往沿邊充軍者及近日齊黃黨惡人等已行
伏誅中間有遠親已宥其死發往各邊境充
軍多是姦儒猾吏及不從教化頑民此等平
日懷姦挾詐欺厭良善刁頑無藉之徒既已
宥罪充軍又不悛前惡仍在邊土三五成群

教唆詞訟告狀實封上書陳言把持官府不
躲避軍役潛於衛所結覽寫發撥置事務今
後但有似此數件不問前犯輕重俱各處斬
爾都督府即行文書去沿邊衛所務要官軍
人等同知故諭

宋

書

皇明詔令卷之五